



Broj: 43 0 Su 224564 23 Su 6
Zenica, 07.08.2023. godine

Na osnovu člana 64. stav 1. tačka b) i člana 70. stav 1., 3. i 6. Zakona o javnim nabavkama („Službeni glasnik BiH“, broj 39/14 i 59/22), a u skladu sa Zapisnikom o ocjeni ponuda broj: 43 0 Su 224564 23 Su 6 od 28.07.2023. godine, u postupku javne nabavke po konkurentskom zahtjevu za nabavku robe – printeri i kopir aparati, predsjednica Općinskog suda u Zenici, donosi

ODLUKU o izboru najpovoljnijeg ponuđača

Član 1.

Za najpovoljnijeg ponuđača u postupku javne nabavke roba printeri i kopir aparati, po provedenom postupku javne nabavke, izabran je ponuđač Elur d.o.o. Kiseljak sa ukupnom cijenom u iznosu od 33.000,00 KM bez PDV-a, odnosno u iznosu od 38.610,00 KM sa PDV-om.

Član 2.

U skladu sa članom 45. stav 2. Zakona o javnim nabavkama BiH, izabrani ponuđač je dužan u roku od sedam dana od dana prijema ove Odluke dostaviti dokaze iz tačke 3.1.2. TD konkurentskog zahtjeva.

Član 3.

U skladu sa članom 98. stav 4. Zakona o javnim nabavkama BiH, Ugovorni organ će zaključiti ugovor u roku od deset dana od dana obavještanja učesnika postupka o izboru najpovoljnijeg ponuđača.

Član 4.

Za izvršenje ove Odluke zadužuje se Odsjek za opće i računovodstvene poslove.

Član 5.

Ova Odluka stupa na snagu danom donošenja.

Član 6.

Ova Odluka objavit će se na web stranici www.opsud-zenica.pravosudje.ba.

Obrazloženje

Postupak javne nabavke roba printeri, kopir aparati za potrebe Općinskog suda u Zenici pokrenut je Odlukom o pokretanju postupka javne nabavke broj: 43 0 Su 224564 23 Su 6 .

Procjenjena vrijednost javne nabavke je iznosila 33.100,00 KM bez PDV-a.

Obavještenje o nabavci broj: 484-7-1-18-3-98/23 objavljeno je na Portalu javnih nabavki Bosne i Hercegovine dana 07.07.2023. godine u 17:18 sati.

Komisija za provođenje postupka javne nabavke, imenovana Rješenjem broj:43 0 Su 224564 23 Su od 24.05.2023.godine sačinila je Zapisnik o ocjeni ponuda, broj: 43 0 Su 224564 23 Su 6 od 28.07.2023.godine.

U postupku donošenja Odluke o izboru najpovoljnijeg ponuđača utvrđeno je da je Komisija za provođenje postupka javne nabavke blagovremeno i pravilno izvršila otvaranje i ocjenu prispjelih ponuda, o čemu je sačinila odgovarajuće zapisnike, u kojim je utvrđeno sljedeće:

- da je ukupan broj pristiglih ponuda 3,
- da su blagovremeno zaprimljene 3 ponude,
- da nije bilo neblagovremenih ponuda,
- da je bila 1 neprihvatljiva i nepravilna ponuda
- da 2 ponude ispunjavaju uslove tražene i definisane tenderskom dokumentacijom konkurentskog zahtjeva,
- da je provedena računska provjera ponuda i izvršena ispravka računске greške
- da je zakazana i provedena e-aukcija, te da je najpovoljnija ponuda ponuđača Elur d.o.o. Kiseljak sa ukupnom cijenom u iznosu od 33.000,00 KM, bez PDV-a.

U postupku donošenja ove Odluke posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, te ocjenu prispjelih ponuda shodno kriterijima iz tenderske dokumentacije.

U postupku ocjene provedenog postupka nisu nađeni razlozi za nepravilnosti i propuste u radu koji bi bili osnov za neprihvatanje preporuke za izbor Komisije za provođenje postupka javne nabavke. Izbor najpovoljnijeg ponuđača izvršen je u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju, neosporno je da je ponuda ponuđača Elur d.o.o. Kiseljak sa ukupnom cijenom u iznosu od 33.000,00 KM, bez PDV-a, odnosno u iznosu od 38.610,00 KM sa PDV-om, najpovoljnija.

Shodno navedenom, a na osnovu člana 64.stav 1. tačka b) Zakona o javnim nabavkama, odlučeno je kao u dispozitivu.


POUKA O PRAVNOM LIJEKU:

Protiv ove Odluke može se izjaviti žalba URŽ- u u roku od pet dana od dana prijema Odluke putem Ugovornog organa.

Dostavljeno:

1x Učesnici u postupku javne nabavke

1x a/a

PREDSJEDNICA SUDA

Dženana Brković, MA iur.